



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres

Tylkowski, Wojciech

Oliva, 1686

In Consecratione Abbatissæ.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

quidem in latere Christi, sed ut idolum, ut abominatio in loco sancto. Contingit fortè quod Petro & Joanni qui cum quaerent Christum in sepulchro, non invenerunt nisi linteamina: non invenitur nisi vestis, deest res ipsa. Memores sitis quàm frequentissimè sacrificium Domino offerre. B. Laur. Justinian. dicebat de omittentibus celebrationem Missæ. *Qui cum possit Domino suo frui, & non fruatur, facile se declarat Domini sui curam non habere.* Accedite jam qui vocati estis à DEO, sed accedite, in puritate, sanctitate, nota sit modestia vestra hominibus, videant opera vestra & glorificent Patrem vestrum. Nunquam à vobis recedat timor DEI, non dominetur peccatum in vestro corpore. Sancta tractate sanctè, alioqui dicit vobis DEUS. *Quò mihi multitudinem victimarum vestrarum? plenus sum, holocausta arietum & adipem pingvium, & sanguinem vitulorum, & agnorum, & hircorum nolui, cum veniretis ante conspectum meum quis quasi vit hæc de manibus vestris, cum ambularetis in atris meis? Ne offeratis ultra sacrificium frustra, incensum abominatio est mihi. Neomeniam & sabbatum, & festivitates alias non feram; iniqui sunt catus vestri. Kalendas vestras & solennitates vestras odit anima mea, facta sunt mihi molesta, laboravi sustinens & cum extenderitis manus vestras, avertam oculos à vobis.*

In Consecratione Abbatissæ.

DUO munia accipit in se Præfata Monialium, & ut custodiat Virgines, & ut regat Religiosas. Utrumque est sublime. Virgines sunt Christi sponsæ: Religiosæ sunt vasa Christo consecrata. In quocunque horum defecerit grande instar iudicium, & tanquam proderet Christi thesauros vapulabit: pro utraque ingens præmium. Si enim seipsum

G

custo-

custodienti Religioso promittitur centuplum, & vita æterna, quid tot alios Conservanti?

Quod virginitatem attinet, crebro illud Hieron ad Eustochium mediteretur. *Rectius fuerat homini subisse conjugium, ambulasse per plana, quàm ad altiora tendentem in profundum inferni cadere. Ne fiat obsecro Civitas meretrix. Isai 1. Ne post Trinitatis hospitium, demones ibi saltent, & Sirenes nidificent & ericii.* Proinde attendat ne in aliquam cadat reprehensio. Bern. epist. 115. *Cur velum in capite mentiebatur reverentiam, & subinde petulans oculus exhibebat impudentiam?* Attendat ne le aliqua nimis comat. Basil. orat. ad nepotes de libris Græcorum legendis. cap. 12. *Occupatum esse in corporis ornatu non minus turpe dicendum arbitror, quàm aut pellicem esse aut adulteram &c.* Neque enim minus turpe est, cum qui verè hoc cognoverit scire dignus existat nimiam corporis curam habere, quàm ad aliam quamvis passionem effeminatum esse &c. Moneat ut quo amore castitatis eam voverunt, illam semper augeant. Basil. l. c. *Si flammantem Spiritum, quo nunc recaluit sine dubio certam intra te, & meditationibus tuis exardescentem ignem Divinum jam extinguere permiseris, quid restat nisi ut te illi servandum noveris igni qui non possit extinguere?* Non sint colloquia cum sæcularibus etiam affinis. Basil. ad Chilonem. *Si simul cum Christo mortuus, ac à tua generatione ac prosapia secundum carnem disjunctus, quid rursus cum eisdem involvi cupis. Si enim, qua ob Christum senel amiseris, hæc rursus ob tuos propinquos adificas, promissis minimè stabis, inconstantia damnaberis.* Amplius Tertul. lib. de velandis virginib. *Vera & tota & pura virginitas nihil magis timet quàm semetipsam, etiam feminarum (ipsa fœmina) oculos pati non vult.* Et Ambr. lib. 3. de virginib. *Deesse virgini sermonem quàm superesse malo.* Cogitent se habere thesaurum in vasis fictilibus.

Jam ad regimen. Intelligat se non mancipiis sed Christi filiabus præesse: proinde Matrem agat non Despotam, non veluti victor captivis imperet. Quod solent facere, ut ait Adrian. Gallus; qui domi suæ sordium captivi erant, & in Religione velut mundum invenissent, regimen acceperunt. Reges gentium dominantur eorum, vos vero non sic. Voluntariè tibi obedit, qui si mansissetis in sæculo forte coactus servivisset. Propter Christum paret, imperet ut Christus, & hoc imperium maximè sit in eo quod Petrus præcipit, *Forma gregis facti, exemplo fac bonos.* Nescis Christi dictum *Oderint dum metuant.* In charitate non in metu perfectio. Sunt qui dum, ait idem, si omnes in cœnobio tristes fecerint, perfectos se perorant fecisse. At ubi illud, *Dulcis Domine Spiritus tuus?* flagella & rigores augent, & charitatem velut hostes expugnant quæ est vinculum perfectionis. Planè agunt sicut illi de quibus Historicus, qui ubi solitudinem fecerint, pacem appellant. Hactenus ille. *E contra Subdicæ crebro non illud quod dixit S. Ephrem Parænesi. 35. Recordare quòd mundo renunciasti & propria voluntati, & verbum non sustines? & Paræn. 38. Itane Monache professus es te Christo placere velle, ut tribulationes & tentationes, quæ ingeruntur ab Adversariis non fortiter sustineas; neque correctiones & admonitiones à tuo Præsècto susciperes? Cum Apostolus dicat. Quodsi extra disciplinam estis cujus participes facti sunt omnes; ergo adulterini & non filii estis. Casus es? gaude, te casum verberibus, verum & erratum corrige. Injustè verberatus est, gaude quia mercès tua magna.* Ferè in cœnobiis impatientiores sunt, ait Gal. ut qui in sæculo plura sustinuisent Videte ne in aliquem cadant querelæ S. Ephrem. cap. Forum correctio. *Attendite obsecro quid dicam qui vitam hanc Monasticam sustulistis, & contremiscite. Angelicum ferentes habitum cum diabolo militamus. Habitus est Angelicus sed vità secularis. Num*

inter Angelos viget contentio ac zelus quemadmodum nunc inter Monachos cernimus? &c. Vix tertius est dies ex quo Mundo renuntiaverunt & cum illis, qui in habitu consenuere, contendunt, nec volunt redigi in ordinem aut cuiquam obtemperare, sed excusationes excogitant, & ne corpus fatigent alius alium respicit. Subito obedientia jugum & vult imperare, irascitur si admonetur, non faciam respondeo nisi ille veniat &c. Sapere qui domi sue fuerat operarius & ignorabat quæ illius esset dextra vel sinistra, in monasterio studiosus & interpret, ac doctor incedit, &c. Mudo specie duntaxat renuntiavimus re autem ipsa qua mundi sunt amplectimur. Excessat mendax excusatio. Habitu Monachi sumus moribus crudeles quidam & inhumani. Habitu humiles, moribus pestilentes. Habitu Religiosi, moribus perniciosi. Habitu dilecti moribus inimici, habiti chari &c. Nolite putare in cinguli & veste longa consistere vitam perfectam aut in eo salutem esse positam, quod manus habet mundas, quod eloquens sit, quod scripturas interpretetur, quod capite incedat raso, aut comam nutriat. In virtute, in bonis operibus sita est. Hæc autem dico non ut habitui decrahatur, absit sed ut ostendam habitui debere mores & opera congruere. Habitus enim sine operibus nihil est.

Ad hæc attendat Abbatisa, ut claustrum servetur, ut regulæ impleantur, silentium vigeat &c. Et Materno inducat affectu ut noverint Filia ab amore non odio correptionem procedere, itaque uni se Matrem alteri novercam exhibeat, & malit ut de suo errore quælibet sponte pæniteat, quam ut puniatur. Habent blanda verba vim magnam esse dulcem, emolliunt cor, ut in eo quod volunt inprimerere possint, dura è contra faciunt obdurari. Omnia perfecit Paulus etsi totus dixerit, Filioli mei, viscera mea, corona mea, &c. neque tradidit Sathanæ inter tot millia nisi unum, id est propter enorme & notorium scelus adjuncto simul amore eius salutis,

salutis, & ad utilitatem omnium. Christus non coegit ullum
 pœnis ut suus esset discipulus; Antichristi id erit, nontaceant,
 tamen si lupum venientem videant, prospiciant ne aberret,
 ovis; Meminerint illius quod Greg. 2. Pastor 6. monet. *Qui
 cum curare corporalia funditus negligunt, subditorum neces-
 sariis minimè concurrunt, quorum prædicatio plerumque despicitur,
 quia dum delinquentium facta corripunt, sed tamen eis necessaria
 præsentis vitæ non tribuunt, nequaquam libenter audiuntur. Egen-
 tis etenim mentem sermo doctrinæ non penetrat, si hunc apud ejus
 animum manus misericordiæ non commendat, tunc autem semen
 verbi facile germinat, quando hoc in audientis pectore pietas præ-
 dicantis rigat.* Claudat hunc sermonem monitum synodi
 Sycovianæ Cracovien. cap. 4. ubi &c. Monet Parochos, quod
 omnibus curam animarum habentibus servit. *Ad bonæ guber-
 nationis modum pertinet in rebus agendis dexteritas, suavitas,
 effabilitas, compassio, non indignatio, non pauperum contemptus,
 non avaritia. Ut faciliè agnoscant Parochiani Pastorem suum jure
 officio fungi idque ex mera caritate, quæ est medium efficacissi-
 mum ad lucrandas hominum voluntates.*

In Consecratione Monialis.

Ecce Sponsus venit exite obviam ei. Matth. 25.

ALiquos DEUS ipse transeundo vocat, ut Apostolos, *Se-
 quere me;* ad aliquos misit Angelum ut ad Centurionem
 in Actis Apost. ad aliquos virum aliquem sanctum ut ad Davi-
 dem Nathan Prophetam. Sed ad virgines ex proposito ipse
 venit. Nam pro SS. Virginibus legitur Evangelium vel de
 thesauro, ad hunc venit homo & emit agrum illum: vel de
 Margarita, *dedit omnia sua & comparavit;* vel de decem vir-
 ginibus.